

附錄新疆瓊瑤

南州少佐贈茸畫一幀賦謝即用來韻。天棊居士增祥

小別扶桑渡孟津。西京縞紵亦前因。一張茸畫雲林稿。九月山容欲笑春。

丁未元宵贈南州少佐即希陞政。新城晉卿氏王樹枏

走馬天山下。相逢如故人。雪消金滿谷。風度玉關春。萬里笙歌極。千

年戰伐塵。月中看寶劍。照見膽因輪。

丁未孟春南州少佐來游西域相逢傾蓋深佩高風因出小

幀屬題。口占絕句奉贈即希方家雅正。吉林長庚

萬里投荒守塞垣。卒瘞手口徹桑根。欣逢海客從東至。借箸尤欽睦誼敦。

丁未正月日本南州少佐來北庭詩以贈之。長白聯魁

萬里扶桑曉日紅。乘槎心繫大瀛東。聽輦忽遇虬髯將。猶有登壇國士風。

丁未正月奉南州少佐吟政。霍邱裴景福

春風欲掃雪山陰。瀛海蓬萊問淺深。一卷新詩三尺劍。歸裝多榻漢裴岑。